

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 04.09.2018թ. թիվ 1808538501 որոշումն անփոփոխ, իսկ վարչական բողոքն առանց բավարարման թողնելու մասին

<<20>> 09 2018թ. 17-13-103723-18/17-13-10376 ք.Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Արշալույս Ղուկասյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մաշտոցի պողոտա 14 շենքի 39 բնակարանի բնակիչ Արշալույս Ղուկասյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 04.09.2018թ. թիվ 1808538501 որոշումը և նվազեցնել տուգանքի չափը՝ նշելով, որ իրավախախտման պատճառ է հանդիսացել թոռնիկի հիվանդությունը: Մերժելու դեպքում խնդրել է դրանով նշանակված տուգանքի գումարի վճարումը տարաժամկետել 6 (վեց) ամսով:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

Վիճարկվող որոշումով ամրագրվել է, որ 2018թ. օգոստոսի 13-ին ժամը 15⁴³-ին ՎԱԶ-2121 մակնիշի 64 LU 530 հաշվառման համարանիշի ավտոմոբիլը դուրս է եկել հանդիպակաց երթևեկության գոտի Երևան քաղաքի Էրեբունի-Ազատամարտիկներ փողոցների խաչմերուկի հատվածում:

<<Վարչական իրավախախտումների վերաբերյալ>> ՀՀ օրենսգրքի 17-րդ հոդվածի համաձայն՝ վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի փտանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ փտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

Նույն օրենսգրքի 252 հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Վարչական վարույթի ընթացքում չի հիմնավորվել վիճարկվող որոշումով արձանագրված իրավախախտումը ծայրահեղ անհրաժեշտության վիճակում կատարելու հանգամանքը (թոռնիկի հիվանդություն)՝ փաստական ապացույցների բացակայության պատճառով:

Ինչ վերաբերվում է դիմումատուի խնդրանքին՝ տուգանքի չափը նվազեցնելու վերաբերյալ, ապա վերը նշված զանցանքի համար <<Վարչական իրավախախտումների վերաբերյալ>> ՀՀ օրենսգրքով սահմանված է միայն մեկ սանկցիա՝ տուգանք 30.000 ՀՀ դրամ, ուստի այն բավարարել հնարավոր չէ:

Ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով և 305-րդ հոդվածի 2 մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 04.09.2018թ. թիվ 1808538501 որոշումը թողնել անփոփոխ, իսկ վարչական բողոքն առանց բավարարման:

2. Հաշվի առնելով այն, որ սույն որոշման 1-ին կետով բողոքը թողնվել է առանց բավարարման, թիվ 1808538501 որոշումով նշանակված տուգանքի գումարի վճարումը տարաժամկետվել է 6 (վեց) ամսով՝ դիմումը մուտքագրելու օրվանից՝ 2018թ. սեպտեմբերի 14-ից:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Արշալույս Ղուկասյանին և ՃՈ ՏՄՀԽՍ կենտրոն:



Ե. Կարապետյան